

Buohkaidrievttit-stoagus

Geasa: Vuolleskuvla	Gos: Olgun
Meahccepássa ossodat: Buohkaidrievttit (ovd. juohkeolbmorievttit)	Goas: Buot jagiáiggiin
Oahppanmihttomearit: Oahpásmuvvat buohkaidrivttiide	Dárbašat: -
Bistin: Sullii 15 min	Olmmošresursat: 1

RÁVVAGAT

1. Merke eatnamii guokte stuorra rieggá. Guođe rieggáid gaskii albma láhkai gaskka. Nubbi lea "ii oaččo dahkat" -riekkis ja nubbi fas "oažžu dahkat" -riekkis. Merke maiddáid rieggáid gaskii saji, gos oahppit čáhket čuožžut.
2. Rávve oahppiid čuožžut sadjái rieggáid gaskkas. Oahppiid bargun lea viehkat rivttes rieggá sisa, go huikkát man nu buohkaidrivttiide gullevaš dahje gulakeahtes ášši. Huikimiid gaskkas oahppit máhccet čuožžut ruovttoluotta rieggáid gaskii.

Stohkosii dárbaša guokte "ruovttubeasi", mat sáhttet leat ovdamearkka dihtii eatnamii sárgojuvvon stuorra rieggát. Heivvolaš mátki rieggáid gaskkas lea sullii 20 mehtera.

DUOGÁŠ

Buohkaidrievttit ledje ovdal juohkeolbmorievttit. Buohkaidrievttit leat davviriikalaš earenoamášvuohta. Daid olis gii beare sáhtta lihkadit meahcis fuolatkeahtta das, gii eatnama oamasta. Buohkaidrievttit eai mávsse maidege ja guoskkahit buohkaid Suomas orron olbmuid. Buohkaidrivttiin doaibman ii goittotge oaččo dagahit stuorát go uhcánaš hehttehusa lundui.



Buohkaidrivttiin oaččot

- lihkadit vácci, čuoigga ja sihkkeliin luonddus, dego vuvddiin, luondduniittuin ja čázádagain
- riidet
- orodit ja idjadit gaskaboddasaččat guovlluin, main lihkađeapmi lea maidđái lobálaš
- čoaggit luonddumurjjiid, guobbariid ja šattuid mat eai leat ráfáidahtton
- oaggut ja bilket (virggálaččat nuvttá guolástanrievttit)
- johtit fatnasiin, vuojadit ja basadit čázádagas ja johtit jieŋa alde

Buohkaidrivttiin it oaččo

- hehttet eananoamasteaddji eanageavaheami
- johtit šilljoeatnamiin, gilvineatnamiin dahje gilvojuvvon bealdduin
- njeaidit dahje vahágahttit šaddi muoraid
- váldit goikan dahje gahččan muora
- váldit sámmála dahje jeahkála
- cahkkehit rabas dola nuppi eatnamii
- hehttet ruovtturáfi ovdamearkka dihtii gohttemiin menddo lahka ássandáluid dahje ruodjamiin
- ludnet birrasa
- vuodjit mohtorfievrruin meahcis
- hehttet dahje vahágahttit lottiid besiid ja čivggaid
- hehttet ealliid
- guolástit ja meahcástit áššáigullevaš lobiid haga
- luoitit beatnaga almmolaš vuojadangáddái, mánáid stoahkanbáikin várrejuvvon báikái, divvojuvvon láhtui dahje valáštallangieddái
- diktit beatnaga leat luovus čoahkkebáikkis, lihkanbálgáin dahje nuppi eatnamis
- diktit beatnaga leat luovus 1.3.–19.8. gaskasaš áigge oba iežas eatnamisge

